



本校史略

本校於民元春間，由王振相、何雨春、何雍清、劉安四位先生倡辦，初僅亞答屋一幢，學生十餘人。何雨春先生任主席，何雍清先生副之，聘鄧近仁先生為校長，開辦將近二載，校舍突遭回祿。民三年（至十五年），王振相先生任主席，何雨春先生副之。學校乃遷至火車站附近王主席私宅，繼續開辦，是時學生已增至八十餘名，學制為三三制小學。民六年，適有英人欲出售洋樓一座，樓建於和豐埠側山坡頂，周圍寬敞，固一理想之校地，諸位董事乃起而捐資倡導，四出呼籲，卒達目的，購得該座洋樓，及校地七畝，並改為四二制小學，後因生數日增，十三年復加建亞答屋一棟。至十六年，由周國泰先生繼任主席。其間（民三至十六年）先後任校長者，有許澄環、周生、宋礎石、何其清、江晃西、莊名端、陳子實諸先生，然為時均極暫，其正確任期，現已難於查考。

民十七年（至廿年）王振相先生任主席，周芳先生副之，十八年復聘江晃西先生為校長，增設師範，廿年改辦初中。

民國廿一年（至廿四年）周芳先生任主席，陳世盾先生副之，聘李公儀先生為校長，廿二年並增購鄰近住宅一所，惟以生數日增，仍感不敷容納。

民廿五年（至卅一年）王振相先生任主席，周芳先生副之，仍聘李公儀先生為校長，王主席暨諸董事因感校舍逐漸增建，無通盤之計劃，既不堂皇，亦不經濟，乃於民廿七年召會商討，擬定建校大計，進行籌建新校舍，蒙社會僑賢慷慨襄助，遂得奠基開工，惟以工程浩大，延至卅一年，此堂皇壯偉之體舍乃得全部落成。計丁字形校舍一座，中為大禮堂，兩側為教室十二間，禮堂左右，洋樓各一，後側有平屋一列，其餘各項設備略具，而本校之基礎於焉奠定。是年春趙蔭先生繼林國忠先生（林先生前任為林珠光校長，然任期僅三閱月即請假返國）為代理校長，是夏始正式聘郭錦洪先生為校長，並增設高中，遠近負笈就學者，有如山陰道上，寄宿生突增至近百名。而董教推誠合作，校務蒸蒸日上，誠本校之黃金時期也。惜不旋踵，太平洋戰事爆發，本校被迫停辦，淪陷期間校舍被佔為兵營，各項設備，蕩失無遺，至可慨嘆。截至此時止，高小已畢業廿四屆，初中七屆，高中因阻於戰事，仍未有畢業者。此三十一年中，除歷屆主席已如上述，其餘董事，如鄭奕定、鍾煥、楊宇地、羅良福、謝雁生、洪基禮、陳益昇、尤世堆、巫春、李清溪、吳榮慶、簡澤田、雷杰、黃漢如諸先生，歷屆擔任要職，頗多貢獻，其中尤以鄭奕定先生，歷年均有建樹，甚著勳勞。

和平後，本地僑賢感華僑教育之重要，慨學子之多年失學，毅然倡導復校，並推羅良福先生為主席，楊宇地、鄭英忠先生副之，聘劉曼光先生為校長，董教全人，羣策羣力，經月餘之籌備，遂於卅四年十一月十日舉行復校典禮，更因生數增加近千，除修葺原有校舍外，並增建洋樓一座，教室五間。去年底，初中九屆高小廿五屆畢業，為復校後首屆之畢業班。

今者，董事會改選，永久董事會長王振相先生任主席，施坤林、羅良福二先生副之。銳意刷新校政，充實圖書、儀器、體育等各項設備，特聘陳存光先生為校長。開學以還，生數激增逾千，分為廿二班，因教室不敷應用，低年級分設上下午班，二月十三日董事會乃議決增建教室十間，現圖樣已繪就，一俟取得准字，即可擇日動工。

本校因經太平洋戰役，文件史料蕩然無存，故上述史略，掛一漏萬，勢所難免，尚望地方僑賢有以指教，俾他日得有修補增刪之機會也。